



Il Spital regional Surselva e la Spitex Cadi han presentau la puschida e lur meglier personal.



Il cusseglier communal Edgar Durschei da Mustér tscherca la ballontscha.



Il castellan Armand Schuster de Ballwil (enamiez) ha rendiu honor al stan d'Albin Bibrondas.



La carn ei stada in dils scazis presentai alla EX14. Vanessa e Jannis, la nova generaziun dalla Mazlaria Venzin fa buna figura.



Ina discussiun, in sitg vin. Era quei ha carmalau alla exposiziun da mistregn e commerzi.



Il taur da Trun ha fatg furori gia avon l'exposiziun. Flurin Decurtins, Manuel Reichenbach e Sascha Decurtins (da seniester) ein cun dretg impressaris loschs e cuntents.

FOTOS G. VENZIN

Scazis alla EX 14

In castellan alla exposiziun da mistregn e commerzi a Mustér

■ (anr/gv) Alla EX14 han ils biabein 80 expositurs presentau entgins scazis. En scadin cass han els presentau il meglier dil meglier da lur fatschenta. Sch'ei ha buca tunschiu cul meglier product lu ei silmeins il meglier persunal staus al stan d'exposiziun. Il pli savens ei quei stau la schefa ni il schef personalmein. Quei ha era la ped Cadi fatg al stan 39. Temend ch'ei ronschi buca da far parada culs agens, ein aunc auters prominents dalla partida stai presents, aschia la sonda il cusseglier dils stans Stefan Engler. Sin fundament da ses excellents resultats allas elecziuns astgan ins era numnar el in scazi.

La carn ei in scazi indigen ed ils producents sepresentan bugen allas exposiziuns da mistregn e commerzi. Quei astgan els en scadin cass era far vinavon, pertgei lur schambun, puolpa ed autras specialitads ein zun apprezzadas e quei buca sulet durant l'exposiziun. Sil viadi tras l'exposiziun ha in toc carn tscheu ed in sitg vin leu en scadin cass fatg bein. La Cadi ei ina regiun da sport ni silmeins ina regiun da fatschentas da sport. Buna-mein tuttas ein stadas alla EX14 e duas

schizun ensemen sin in stan. Malgrad che la sesiun da skis stat avon porta, eisi stau da veser ton da velos sco da skis. Al stan da MoorStore ha Manuela Orlik dau il maun buca sulet per hoffiadad. Ella ha era vultiu examinar sch'ins drovi forsa in etg magic pils mauns. Secapescha ein era mes mauns buca stai fins avunda. La lavur cun plem gitta ha magari strapazau els. Cun in etg d'ielì da sem d'iuu, ieli da cocos e te verd ein ils mauns stai en in hui sco quels d'ina dama nobla.

Per la dieschavla ga alla EX

Vin ha ei dau a biars stans alla EX14 e treis da quels han envidau alla bar aposte per schar gustar vin. Secapescha ein quelas bars stadas bein emplenidas durant ils treis dis dalla exposiziun. Ina attraziun ei il castellan Armand Schuster de Ballwil al stan 236 staus. Dapi il 1970 eis el possessur dil casti Montlau ella Val dalla Dordogne ella regiun franzosa da Bordeaux. Dapi il 14avel tschentaner vegn il vin cultivaus sin quei bein che ha giu il zenit entuorn igl onn 1830. Il castellan Armand Schuster de Ballwil senior ha schau restaurar ils tschalers da vin ch'ei

actualmein tschalers da museum en stan tecnic actual. Il bein da viticultura cumpeglia 25 hectaras, da quei ein 22 hectaras cun iuas blauas. Per producir ils vins presentai a Mustér lai il castellan raccoltar las meglieras iuas e madirar il vin 14 meins en buots da ruver novas. En tur producescha il niebel lucernes 180 000 buttreglias dil niebel vin franzos e vanda quel pigl entir mund entuorn. La proxima fin d'jamna ei Armand Schuster de Ballwil a Berlin ell'ustria nobla «Jules Verne» sin tura da promoziun. A Mustér ei el staus sin invit da Mario e Roland Albin. Alla EX14 han els festivaus dus giubileums, ils 60 dalla fatschenta Albin vins e bubrondas a Trun e la dieschavla participaziun alla ex. Els ein pia naven digl onn 1986 adina alla exposiziun da mistregn e commerzi a Mustér. Roland Albin ha puntau l'impurtonza da quella preschientscha: «Ei dat buc ina megliera caschun da vegnir schi datier dalla clientela, da semussar culs products mo era sco interpresa e persuna.» Sin fundament dil niev success dalla EX, vegnan aunc biars auters umens da fatschenta a tertgar il medem.



L'EX ei ina buna caschun per viva discussiun culla clientella.